

O'ZBEKISTON RESPUBLIKASI

OLIY TA'LIM, FAN VA INNOVATSIYALAR VAZIRLIGI

FARG'ONA DAVLAT UNIVERSITETI

**FarDU.
ILMIY
XABARLAR-**

1995 yildan nashr etiladi
Yilda 6 marta chiqadi

2-2023

**НАУЧНЫЙ
ВЕСТНИК.
ФерГУ**

Издаётся с 1995 года
Выходит 6 раз в год

F.Tashpulatov	
Basketbol texnikasini o'rgatish metodikasi	98
D.Rafikova	
Oliy o'quv yurtlarining o'quv jarayonidagi pedagogik amaliyotning ahamiyati	103
A.Muxametov	
Qo'l to'pi o'yini darvazobonini tayyorlashning uslubiy yo'llari	107
A.Kdirbayeva, Y.Ryabova, A.Abdikadirov	
Uzluksiz pedagogik amaliyot – bo'lajak boshlang'ich sinf o'qituvchilarini kasbiy tayyorgarligining eng muhim komponenti	113
G'.Shermatov	
Yosh bolalarga kurash sport turlarini o'rgatish.....	121
N.Djalilova	
Talabalar kommunikativ kompetensiyani takomillashtirish videomateriallari	130
F.Karimov	
Keksa yoshdagi 60-64 yoshli erkaklar uchun jismoniy holatini inobatga olgan holda sog'lomlashtiruvchi mashqlar jamlanmasi uslubiy tavsiyalari.....	135
Y.G'afforov	
Ta'lim sifati va o'qitish metodlarini tanlashning asosiy jihatlari.....	145
A.Tadjibaeva	
Ta'lim jarayonidagi inklyuzivlik teng ta'lim olishni ta'minlash vositasi sifatida.....	150
M.Tairova	
Aholini sog'lomlashtirish uchun jismoniy mashqlarning tejamkor texnologiyalari	157
M.Baybaeva, I.Imomov	
Talabalarning nizoli xulq atvorini pedagogik tashxis etishning sinergetik-tuzilmali modeli	160
R.Turgunbayev, K.Kodirov, A.Nishonboyev	
O'quvchilarda umummatematik faoliyat usullarini shakllantirish modeli	164
S.Uraimov	
Umumta'lim maktabi yuqori sinf o'quvchilarining jismoniy tayyorgarligini o'rganish va tadqiqot qilish.....	170
G'.Ernazarov	
Oliy ta'lim talabalarining jismoniy sifatlarini aylanma mashqlar asosida rivojlantirish usullari.....	174
S.Uraimov	
Umumta'lim maktablarida jismoniy tarbiya tizimini shakllantirish va rivojlantirishning nazariy xususiyatlari.....	179
R.Nazimov	
O'quv mashg'ulotlarini zamonaviy usullar asosida tashkil etish.....	182
S.Isroilova	
Rus tilini o'qitish va muloqot qilish jarayonida talabalarining kommunikativ kompetensiyasini shakllantirish	187
M.Tojiboyev, D.Yunusova, M.Xursantova	
Mustaqil darslarning asosiy shakllari va tashkil etilishi	191
Q.Iqboljon	
Sharq allomalari musiqiy merosida bo'lajak musiqa o'qituvchilari axloqiy – estetik qadriyatlar tizimining gnesiologik tahlili.....	195
O.Fozilova	
Bolalarni maktabga tayyorlashda innovatsion yondashuv usullari	201
A.Zaripova	
Oliy ta'lim muassasalarida noan'anaviy ta'lim berish metodlarini amaliyotga joriy etish orqali chet tillarni o'qitish sifatini yaxshilash.....	205
B.Sharipova	
Bo'lajak biologiya o'qituvchilarini o'quvchilarda bioetik madaniyatini rivojlantirishining nazariy-metodologik asoslari.....	209
N.Karimov	
O'quv dala amaliyotida poxodlarni tashkil etishda gigiyenik qoidalarga amal qilish tartibi.....	212

TA'LIM SIFATI VA O'QITISH METODLARINI TANLASHNING ASOSIY JIHLTLARI
КАЧЕСТВО ОБРАЗОВАНИЯ И ОСНОВНЫЕ АСПЕКТЫ ВЫБОРА МЕТОДОВ
ОБУЧЕНИЯ

THE QUALITY OF EDUCATION AND THE MAIN ASPECTS OF THE CHOICE OF
TEACHING METHODS

G'afforov Yarash Xolliyevich¹

¹G'afforov Yarash Xolliyevich

– Chirchiq davlat pedagogika universiteti, Jahon tarixi kafedrası proffessori t.f.n.

Annotasiya

Maqolada ta'lim sifati va metodlarining xilma-xilligi va rivojlanish bosqichlarining istiqbollari tahlil etilgan. Shuningdek, hozirgi kunda qanday pedagogik vaziyatda qaysi metodlar yordamida yoshlarni o'qitish va tarbiyalashning samaraliroq bo'lishi jarayonlari ko'rsatib berilgan. Dars berish metodlari o'rgatish metodlarini, o'qish-bilish faoliyatining jarayonini faollashtirishga yo'llanib, uni kuchaytiradi.

Аннотация

В статье анализируются качества образования и разнообразие методов и перспектив этапов развития. Также показано процессы обучения и воспитания молодежи с помощью каких методов в современной педагогической ситуации. Методика преподавания направлена на активизацию методов обучения, процесса учебно-познавательной деятельности, усиливает ее. Методика преподавания направлена на активизацию методов обучения, процесса учебно-познавательной деятельности, усиливает ее.

Abstract

The article analyzes the quality of education and the diversity of methods and perspectives of development stages. Also the article shows the processes of teaching and educating the students with the help of what kind of methods in the modern pedagogical situation. The teaching methodology is aimed at activating teaching methods, the process of educational and cognitive activity, strengthens it. The teaching methodology is aimed at activating teaching methods, the process of educational and cognitive activity, strengthens it.

Kalit so'zlar: grammatik, individual, ekspertlar, majmua, anketa, statistika, texnologiya, malaka, klassifikasiya, optimal, interfaol, mantiqiy.

Ключевые слова: Грамматика, индивидуал, эксперты, комплексная, анкета, статистика, технология, компетентность, классификация, оптимальная, интерактивная, логическая.

Key words: Grammar, individual, experts, complex, questionnaire, statistics, technology, competence, classification, optimal, interactive, logical.

KIRISH

Fan-texnika, yangi pedagogik texnologiya, innovatsion jarayonlar va axborot texnologiyalari kun sayin oshib borayotgan hozirgi sharoitda o'quvchilarda umumiy o'qish ko'nikmasi va malakalarini mustaqil egallashini ilgarigiga qaraganda ancha yaxshiroq tarkib toptiradigan o'qitish metodlarini topish kerak. Shuning uchun ham maktab islohotining asosiy yo'nalishlarida o'quvchilarda kitob va boshqa bilim manbalari bilan ishlash ko'nikmasini tarkib toptirishning muhimligi ta'kidlab o'tiladi.[1]

Zamonaviy metodlar yoki interfaol usullar, o'qitishning samarasini oshirishga yordam beruvchi texnologik treninglar o'quvchi talabalarda mantiqiy, ijodiy, tanqidiy, mustaqil fikrlashni shakllantirishga, qobiliyatlarini rivojlantirishga, raqobatbardosh, yetuk mutaxassis bo'lishlariga hamda mutaxassisga kerakli bo'lgan kasbiy fazilatlarni tarbiyalashga yordam beradi. Interfaollik darajasi qanchalik yuqori bo'lsa, ta'lim jarayoni ham shunchalik samarali bo'ladi. Interfaol metodlarni tanlash mezonı — ularning ta'lim va tarbiya, rivojlantirish masalalarini yechishga yuqori yo'nalganligidir. Bu mezon turli xil metodlarni u yoki bu doiradagi vazifalarni yechish imkoniyatlarini baholash yo'li bilan joriy etiladi, chunki ijtimoiy tajriba elementlarini o'zlashtirishda ularning imkoniyatlari turlichadir.

O'qitish metodlarini yangilab turish metodologik umumiy tan olingan jarayon hisoblanadi. Bu jarayon metodlarining qotib qolgan ko'rsatmasini qabul qilmaydi. Lekin bu metodlar vaqt o'tishi bilan eskirmaydi, ikkinchi qatorga o'tmaydi, degan ma'noni bildirmaydi. Shunday bo'lishi ham

muqarrarlikdan xoli emas, chunki o'qitish vazifalari yangilanib turadi, ularni ilgari metodlar bilan hal qilish mumkin bo'lmay qoladi. Masalan, matnni ma'nosini tushunmay yodlayverishdek qotib qolish (dogmatik) holat ayni kunda maqbul bo'lmay qoldi.

O'qitish metodlari dars berish metodlari bilan o'rgatish metodlarining birligini taqozo etadi va shu ma'noda, ular o'qituvchi hamda o'quvchilarning o'zaro bog'liq faoliyatlarining usullari hisoblanadi. Dars berish metodlari o'rgatish metodlarini, o'qish-bilish faoliyatining jarayonini faollashtirishga yo'llanib, uni kuchaytiradi. Shunday qilib, dars berish, o'qitish va bilim metodlarining muayyan xususiyatlari mavjud ekan. Lekin ularning hammasi ham, umuman bilish metodlarining turi sifatida o'quv faoliyati metodlarining prinsipial mohiyatini o'zgartirmaydi.

Amaliy o'qitish metodlarining barcha asosiy turlarini ularni qo'llashda hozirgi zamon metodika va pedagogika fani o'qituvchilarning ilg'or tajribalari kiritadigan yangi holatlarni qayd etib birmuncha batafsilroq izohlashga harakat qilamiz.

O'qitishning amaliy metodlari doirasi juda keng. Ularga: 1) yozma mashq metodlari; 2) tajriba-laboratoriya yo'nalishidagi mashqlar metodi; 3) mehnat topshiriqlarini bajarish metodlari va boshqalar kiradi.

Birinchidan, yozma mashqlar va ularni bajarishda o'quv axborotlarini shunchaki og'zaki yoki ko'rgazmali ijro qilish sodir bo'lib qolmay, balki olingan nazariy bilimlarni amaliyotda bevosita qo'llash amalga oshiriladi. Yozma mashqlarni bajarishda ularni har tomonlama mustahkamlash, qo'shimcha harakat jarayonlar hisobiga puxtarok eslab qolish jarayoni sodir bo'ladi. Rasmlar, chizmalar, jadvallarni mustaqil tayyorlash o'zlashtirilgan axborotni mustahkamlashning amaliy usuli va keyinchalik uni chuqurlashtirish, kengaytirish uchun asos xizmatini o'taydi.

Amaliy mashqlar metodidan foydalanilganda olingan nazariy bilimlarni amalda yaxlit qo'llashni to'liq darajada ta'minlash imkonini beradigan mashqlar tizimini tanlash juda muhimdir. Agar masalan savodli (grammatik) yoki imloviy (orfografik) qoidalarning qandaydir guruhi o'zlashtirilayotgan bo'lsa, u hozirda mashqlar tizimi bu barcha qoidalarning amaliy qo'llanilishini to'liq qamrab olishi kerak. Mashqlarni bajarishda o'qitish metodlarining bu turini qo'llashning samaradorligini oshirish ta'minlovchi quyidagi qoidalarga rioya qilish zarur: O'quvchilar oldiga bajaradigan mashqlarning aniq maqsadini; mashqlarni bajarish davomida qanday bilimlarni qo'llash, nimani mustahkamlash, mashqni bajarish davomida qanday bilim va malakalarni hosil qilish zarurligini qo'yish kerak.[2] Mashqlarning maqsadsizligi ularni bajarishda vaqtning ortiqcha sarflanishiga olib keladi, o'quvchilarning amaliy ishga bo'lgan e'tiborini pasaytiradi. Mashqlarni bajarish davomida xatolarni o'z vaqtida payqash va ularni butun sinfga darhol ma'lum qilish kerak. Mashqlarning natijalarini aniqlash baholash va u yoki bu bilimlarni qo'llanish yuzasidan egallangan amaliy ko'nikmalarni yanada takomillashtirish, tadbirlarni belgilash muhimdir.

ADABIYOTLAR TAHLILI VA METODOLAR

O'qitish metodlarini tanlashning asosiy jihatlari tadqiqotchilar, olimlarimiz va pedagoglarimiz tomonidan turli xil ilmiy metodik nashrlarda tahlil qilingan. Jumladan, Yu.K.Babanskiy. "Hozirgi zamon umumiy ta'lim maktabida o'qitish metodlari." (1990)., Smesova E.A. "Методика преподавания истории в школе." (2019)., YA.G'afforov. "Tarix o'qitish metodikasi." (2022)., O'.Q.Tolipov., M.U.Usmonboeva. "Pedagogik texnologiyalarning tatbiqiy asoslari." (2006)., va boshqalarning bir qator asarlari va ilmiy maqolalarida o'z aksini topgan.

NATIJA VA MUHOKAMA

Amaliy mashg'ulotlar davomida o'qituvchi umumiy maslahatlar berish va ogohlantirish imkoniyatidan mahrum, chunki har qaysi o'quvchi o'ziga topshirilgan ma'lum ishni bajaradi, shuning uchun ham bu erda guruh bo'yicha va individual ish alohida ahamiyat kasb etadi.

Mehnat mashqlari metodi o'quvchilarning ma'lum mehnat harakatlarini va topshiriqlarini ongli bajarishlarini va takrorlashlarini, shu asosda ularda tegishli mehnat mahorati va malakalarini tarkib toptirishni taqozo qiladi. Mashqlarning mazmuni har bir sinfdagi mehnat ta'limi dasturi bilan belgilanadi. Bu dasturlar bajariladigan mashqlarning qiyinchilik darajasi asta-sekin ortib borishini ta'minlaydigan qilib tuzilgan. Shu bilan birga, ular mehnat ko'nikmasi va malakalarini yaxshi o'zlashtirib olish uchun zarur bo'ladigan mantiqiy tizimni ham hisobga oladi.

Keyingi yillarda mehnat mashg'ulotlarida mashqlar o'tkazish uchun xilma-xil moslamalardan ham keng foydalanilmoqda. Ular mehnatga doir ko'nikma va malakalarni mustahkamlashni tezlashtirishga imkon beradi, o'quvchilarda tegishli bosqich uchun zarur hamda mumkin bo'lgan mehnatning bir tekisda borishi va sur'atini tarkib toptiradi.

Hozirgi kunda qanday pedagogik vaziyatda qaysi metodlar o'quvchilarni o'qitish va rivojlantirishning muayyan vazifalarini samaraliroq bo'lishi va ularni qanday qilib aniqroq biriktirishini ko'rsatuvchi ayrim aniq tadqiqotlarga egadir. Ammo oldindan shuni ta'kidlash mumkinki, metodlarni taqqoslashda bir qator boshlang'ich shartlarga qat'iy rioya qilish zarur, bularni hisobga olmaslik taqqoslash tadbirining o'zini ilmiy-jihatdan noto'g'ri bo'lishga olib keladi.

[3]

Birinchi, biz qabul qilgan klassifikatsiya bo'yicha ayni bir kichik guruhga kiruvchi metodlarnigina taqqoslash kerak. Masalan, har xil metodlar guruhidan bo'lgan og'zaki va izlanish metodlarini emas, balki ayni bir kichik guruhning o'ziga kiruvchi reproduktiv va izlanish metodlarini taqqoslash kerak.

Ikkinchi, umuman metodlarning samaradorligini emas, balki ularning aniq ta'lim vazifalarini hal qilishda qanchalik samara berishi mumkinligini taqqoslash kerak. Ayrim vazifalarni hal qilishda bir metod boshqasiga nisbatan samaraliroq bo'lib chiqishi mumkin: boshqa vazifalarni hal qilishda esa ular o'zni almashadi: So'ngra shuni ham nazarda tutish kerakki, samaradorlikni taqqoslash, baholash u yoki bu metodning muayyan vazifani hal qilishdagi rolini inkor qilmaydi, balki faqat metodlarni tanlashda ulardan samaraliroq bo'lishi mumkin bo'lgan afzallik berish foydali ekanligini ta'kidlaydi.

O'quv mehnati malakalarini, kitob ustida ishlash tajribalar o'tkazish, materialni to'g'ri eslab qolish o'quv vazifalarini mustaqil hal qilish, asosiysini ajrata bilish, o'z ishini rejalashtira olish kabi mahoratlarni va hokazolarni tarkib toptirishda deyarli barcha metodlardan foydalanish zarur. Ammo shunga qaramasdan, eng muhim metodlar sifatida amaliy metodlarni va mustaqil ishlash metodlarini ajratib ko'rsatish mumkin.

Tadqiqotlarning tarixiy-taqqoslash metodlari. Tarixiy metodlar. Pedagogik tadqiqotlar, xususan, didaktik tadqiqotlar asosan o'qituvchining didaktik faoliyati bilan o'quvchilar tahsili natijasida hamda o'quvchilarning o'z faoliyatlari natijasida ular shaxsi, bilim, iqtidor va ko'nikmalarining o'zgarishi orasidagi bog'liqlikni ochishga qaratiladi. Xo'sh, bunday bog'liqlik didaktik tadqiqotlar natijasidan olinadimi yoki ularni yaqin, uzoq o'tmishdan olsa bo'ladi? Amaliy hayot bu muammoga o'zicha javob beradi.

Tarixiy taraqqiyotning turli davrlarida ijtimoiy munosabatlar ma'lumotning maqsad va vazifalarini belgilab bergan. Masalan, sanoat ishlab chiqarishini industrilashtirish, ilmiy texnikaviy inqilob ma'lum darajada ta'lim va tarbiya mazmuni, shakllari va uslublarini tanlashga ta'sir ko'rsatadi.

Tarixan ta'lim-tarbiyaning barcha hollarida yuz bergan o'zgarishlarning xususiyatlari, tamoyillari, qonuniyatlarini o'rganmasdan turib, ma'lumot masalalari haqida keng tasavvurga ega bo'lish mumkin emas.

Tarixiy pedagogik tadqiqotlarning maqsadi shunday qonuniyatlarni aniqlashdan iboratki, bu qonuniyatlar faqat yaqin va uzoq tarixni o'rganishni emas, shu bilan birga ta'limning hozirgi ahvolini, undan ham muhimi- kelgusini belgilash imkonini bermog'i lozim.**[4]**

Nazariy taqqoslash — solishtirish metodi. Bunday pedagogik tadqiqot xalqaro pedagogik tadqiqotlarga asosan uch yo'nalishda olib boriladi. Birinchi yo'nalish- turli mamlakatlardagi ta'lim va tarbiya tizimlarining umumiy qonuniyatlarini aniqlash. Dunyoda yuzdan ortiq ta'lim tizimlari mavjud. Albatta, mustaqil O'zbekiston Respublikasida eski ta'lim tizimi asosida ishlash mumkin emas. Boshqa mamlakatlarda amal qilib turgan ta'lim tizimlarining qulay ijobiy tomonlarini yuqorida ko'rsatilgan taqqoslash-solishtirish tadqiqotlari asosida bizning ta'lim tizimimizga ko'chirish mumkin.

Ikkinchi yo'nalish har bir ta'lim tizimidagi o'ziga xos xususiyatlarni, ularni tasdiqlovchi faktlar to'plamini, turli tarixiy davrlardagi va turli tarbiya muhitlariga oid o'ziga xos tomonlarni aniqlashdan iborat.

Uchinchi yo'nalish ta'lim tizimlarining ichki xususiyatlarini aniqlash, o'xshash va farqli xususiyatlarini belgilab, ularning ta'lim tizimidagi umumiy xususiyatlar bilan bog'liq alomatlarini va alohida xususiyatlari sabablarini aniqlash imkonini beradi. Bu turdagi tadqiqotlar faqat statistik ma'lumotlar va anketalar natijasini tahlil qilish bilan chegaralanmaydi.

Ta'lim tizimlarini tadqiq etish maxsus tayyorgarlikdan o'tgan xalqaro ekspertlar guruhlari tomonidan tegishli ilmiy-tekshirish tashkilotlari bilan hamkorlikda o'tkaziladi. Buning uchun ilmiy-tadqiqotning maxsus konsepsiyasi, usullarini tanlab olish mezonlari ishlab chiqiladi va matbuotda

e'lon qilinadi. Keng kitobxonlar va qiziquvchilar e'tiboridan o'tgan konsepsiya Xalqaro pedagogik uyushmalar tomonidan tasdiqlanadi va bevosita ishga kirishiladi.

Ta'lim metodi-o'quv jarayonning majmuaviy vazifalarini yechishga yo'naltirilgan o'qituvchi va o'quvchilarning birgalikdagi faoliyati usuli bo'lsa, ta'lim metodikasi esa muayyan o'quv predmetining o'qitishning ilmiy asoslangan metod, qoida va usullar tizimini ifodalaydi.

Rivojlangan mamlakatlar ta'lim tizimida shaxs ijtimoiylashuvini ta'minlovchi yetakchi omil sifatida ta'lim jarayoni e'tirof etilsa, biz shaxsning shakllanishida ta'lim hamda tarbiya jarayoni birdek ahamiyatga ega ekanligiga urg'u beramiz. Aksariyat hollarda esa tarbiya jarayoni bu borada ustuvor bo'lishi lozim, chunki o'zida axloqiy xislatlarni namoyon eta olgan shaxsgina ijtimoiy munosabatlarni tashkil etish jarayonida ular mazmunining ijobiy xususiyat kasb etishini ta'minlaydi, axloqli insongina ta'lim (bilim)ni qadrlay oladi, zero axloqning asosiy kategoriyalaridan biri ham bilimlilik sanaladi, degan g'oyani ilgari suramiz.

Ma'lumki, XX asr kishilik jamiyati taraqqiyoti tarixidan fan va texnika sohasida yuz bergan inqiloblar davri sifatida joy oldi. Ilm-fan, texnika va texnologiyalar rivojining yuksak sur'ati moddiy ishlab chiqarish jarayonini nazariy (g'oyaviy) hamda amaliy jihatdan boyitib borish bilan birga ijtimoiy munosabatlarni yangicha mazmun kasb etishini ta'minladi. Xizmat ko'rsatish sohasining paydo bo'lishi, yangi turmush tarzi kishilarining moddiy va ma'naviy ehtiyojlarining ortib borishiga zamin hozirladi.

Insoniyat sivilizatsiyasining quyi bosqichlarida shaxsni tarbiyalash, unga ta'lim berishga yo'naltirilgan faoliyat sodda, juda oddiy talablar asosida tashkil etilgan bo'lsa, bugungi kunga kelib ta'lim jarayonini tashkil etishga nisbatan o'ta qat'iy hamda murakkab talablar qo'yilmoqda. Chunki murakkab texnika va texnologiya bilan ishlay oladigan, ishlab chiqarish jarayonining mohiyatini to'laqonli anglash imkoniyatiga ega, favqulodda ro'y beruvchi vaziyatlarda ham yuzaga kelgan muammolarni ijobiy hal eta oluvchi malakali mutaxassisni tayyorlashga bo'lgan ijtimoiy ehtiyoj ta'lim jarayonini texnologik yondashuv asosida tashkil etishni taqozo etmoqda.[5]

XX asrning 50-yillarida ta'lim jarayonida texnik vositalarni qo'llash "Ta'lim texnologiyasi" yo'nalishini belgilab beruvchi omil deya e'tirof etildi, asosiy e'tibor o'quvchilar auditoriyasini kengaytirish texnik vositalardan foydalanish evaziga amalga oshirishni, texnik vositalarning takomillashtirish, axborotlarni uzatish xizmatini sifatli tashkil etish, ta'lim olishni individuallashtirish kabi masalalarga qaratildi. Bu borada olib borilgan tadqiqotlarning obyekt, tayanch nuqtasi sifatida texnik vositalar imkoniyatlari, ularni takomillashtirish jarayoni qabul qilindi, shuningdek, o'quv jarayonini va "Ta'lim vositalarini texnologiyalashtirish"ning tashkiliy jihatlarini o'rganishga alohida urg'u berildi.

XX asrning 60 yillaridan boshlab ta'limni dasturlash asosida ta'lim jarayonini tashkil etish "Texnologiya" tushunchasining mohiyatini olib beruvchi omil sifatida ko'rila boshlandi. Dasturiy ta'lim o'quvchilarga muayyan bilimlarining alohida qismi xolida emas, balki izchil, yaxlit tarzda berilishini nazarda tutadi. Ta'lim jarayonini yaxlit, maqbul dasturga muvofiq tashkil etish taklifi ilk bora AQSH da faoliyat yurita boshlagan "Dasturiy ta'lim va o'rgatuvchi mashinalar bo'yicha birlashgan qo'mita" tomonidan ilgari surilgan. Dasturiy ta'lim o'zida ta'lim maqsadlari, ularni o'zgartirish baholashning mos ravishdagi mezonlari hamda ta'lim muhitini aniq tavsifini qamrab oladi. Bu esa o'zgartirish majmuasini to'laligicha qayta tashkil etish tushunchasiga qayta tashkil etish tushunchasi mazmuniga mos keladi.[6]

HULOSA

Agar yuqorida aytilganlarga yakun yasaydigan bo'lsak, o'qitish metodlarni ta'riflashda quyidagi tamoyillar muhim metodologik va nazariy qoidalarga asos bo'la oladi deyish mumkin:

1. O'qitish metodlari o'quv jarayonining o'ziga xos sharoitida obyektiv reallikni bilish metodlarining ifodasi hisoblanadi, shuning uchun ham ular obyektiv-subyektiv xarakterga egadir.

2. O'qitish metodlari o'quvchilarni o'qitish, tarbiyalash, rivojlantirish va shular bilan bog'liq bo'lgan mazmunni o'zlashtirishdek vazifalarni yechishda pedagogik hamda ta'lim oluvchilarni o'zaro bog'lovchi faoliyatlarining usullari hisoblanadi,

3. O'qitish metodlari o'qitishning moddiy vositalari bilan o'zaro uzviy bog'langandir.

4. O'qitish metodlari o'zaro bog'langan faoliyat usullar sifatida faoliyatni amalga oshirish bosqichining hamma asosiy tarkibiy qismlarini-motivlashtirishni, harakat va ma'lumotlarni uyushtirishni, natijalarni nazorat ostiga olish va tahlil qilishni aks ettirishi kerak. Faoliyatning aytib o'tilgan tarkibiy qismlaridan hatto bittasining bo'lmasligi ham maqsadlarga optimal tarzda erishishga imkon bermaydi.

PEDAGOGIKA

5. Inson faoliyati usullarining boyligi o'qitish metodlarining boyishiga va bitmas-tuganmas bo'lishiga olib keladi.

6. O'qitish metodlarining klassifikatsiyasi bir nechta bo'lishi mumkin, chunki klassifikatsiyalashni amalga oshirishga imkon beradigan asoslar juda ko'p.

7. O'qitish metodlari, o'z navbatida, o'qitishning aniqroq usullaridan tarkib topadi.

8. O'qitish metodlarini xar hil asoslarga ko'ra ajratish mumkin ekan, demak o'qituvchi va o'quvchilar faoliyatining real usulini ham har doim bir qator o'qitish metodlari (og'zaki, muammoli, deduktiv va hokazo)ning birikmasi sifatida tasavvur etish mumkin. Shu ma'noda o'qitish metodlari doimo muayyan birikmalarda qo'llanadi deb ta'kidlash to'la o'rindir.

O'qitish metodlarining aniq birikmasi bilan bir qator alohida o'qitish metodlarining jamlanmasi, sifat jihatdan o'ziga xos butunlik hisoblanadi.

Har bir aniq vaziyatda metodlarning u yoki bu birikmasida ulardan biri, qaysi ta'lim vazifasi asosiy hisoblanishiga qarab, ustunlik qiladi. Mazkur vazifani shu vaziyatda ayniqsa muvaffaqiyatli hal qiluvchi metod-ustunlik qiluvchi, yetakchi, tizim hosil qiluvchi metod hisoblanadi.

O'qitish metodlaridan biri o'qitish, tarbiyalash va rivojlantirish vazifalaridan birini ancha muvaffaqiyatliroq, ikkinchilari kamroq muvaffaqiyatli va uchinchilari butunlay bo'sh hal qiladi. Shu ma'noda muayyan didaktik vazifani hal qilish bo'yicha bir guruhning o'ziga kiruvchi o'qitish metodlarining samaradorlik darajasidagi har xillik to'g'risida gapirish mumkin. O'qitish metodlarini tanlash tadbirining obyektiv zarurligi mana shundan kelib chiqadi.

Shunday qilib, xilma-xil o'qitish metodlarining imkoniyatlari nisbiydir va bu metodlarni qiyoslashda ular qo'llaniladigan sharoitlarni hal qilinadigan vazifalarining xarakterini material mazmunining xususiyatini o'quvchilarning yoshi va tayyorgarlik darajasini qat'iy hisobga olish kerak. O'qituvchilarning ish tajribasida o'qitish metodlarining to'g'ri tanlash muammosini ma'lum darajada yetarli tushuntirmaslik hollari uchraydi. Lekin u yoki bu metodni optimalligi uning atalishi, uning odatdagicha bo'lib qolganligi bilan emas, balki uning dars vazifalari va mazmuniga o'qituvchi va o'quvchilarning imkoniyatlariga muvofiqligi bilan baholanadi. Eng maqbul tanlagan metodlar qo'yilgan vazifalarning ajratilgan vaqtda yaxshiroq hal qilish imkonini beradi.[7]

ADABIYOTLAR RO'YXATI

1.Yu.K.Babanskiy. Hozirgi zamon umumiy ta'lim maktabida o'qitish metodlari. T., O'qituvchi, 1990-yil, 4-bet. (Бабанский Ю.К. Методика обучения в современной общеобразовательной школе. Т., Учитель, 1990, стр. 4.)

2.Yu.K.Babanskiy. Hozirgi zamon umumiy ta'lim maktabida o'qitish metodlari. T., O'qituvchi, 1990-yil, 130-132 betlar. (Бабанский Ю.К. Методика обучения в современной общеобразовательной школе. Т., Учитель, 1990, стр. 130-132.)

3.Smesova E.A.Metodika prepodavaniya istorii v shkole T. 2019-yil. "FAVLASUFLAR" 63str (Смесова Е. А. Методика преподавания в школе Т. 2019. "ФАВЛАСУФЛАР" 63ул.)

4.T.Toshpo'latov, Ya.G'afforov. Tarix o'qitish metodikasi. T.Turon-iqbol, 2010-yil. 72-bet. (Тошполатов Т., Гафаров Я. Методика преподавания истории. Т. Турон-Икбал, 2010. Страница 72.)

5.Ya.G'afforov. Maxsus fanlarni o'qitishda yangi pedagogik texnologiyalardan foydalanish usullari. T. "Ishonchli hamkor" 2022-yil 10-bet. (Я. Гафаров. Методы использования новых педагогических технологий в обучении специальным предметам. Т. «Надежный партнер» стр. 10, 2022.)

6.O'.Q.Tolipov., M.U.Usmonboeva. Pedagogik texnologiyalarning tatbiqiy asoslari.T.Fan, 2006, 9-bet. (Толипов О'К., Усмонбоева М.Ю. Прикладные основы педагогических технологий.Т.Фан, 2006, стр. 9.)

7. Ya.G'afforov Tarix o'qitish usullari tizimini rivojlantirish va tarix ta'limi samaradorligini oshirish usullari. 2020-yil, aprel. (Methods for developing a system of teaching history and increasing the effectiveness of history teaching) ERPA International Journal of Multidisciplinary ary Research (IJMR) 12.05.2020. India. (Я. Гафаров Методы разработки системы методики преподавания истории и повышения эффективности исторического образования. Апрель 2020. (Методы разработки системы преподавания истории и повышения эффективности преподавания истории) ERPA Международный журнал междисциплинарных исследований (IJMR) 12.05.2020. Индия.)